

蓋平縣志
（一）
历史

至正平昌志
(一)

历史

(清)王诤水曾竹纂修

清宣统元年(1909)修



蓋平縣志

歷史

建置沿革

蓋平自康熙三年改設為縣隸奉天府其沿革可考如左

周屬朝鮮

秦為燕人衛滿所據

漢屬元菟或云漢於此置安市平郭二縣屬遼東郡安市故城在今縣城東北七十里

唐征高麗薛仁貴白衣登城即此平郭故
城在今縣城南據漢志云其地有監官鐵
官

魏屬平州

晉初仍屬平州後屬高句驪

隋屬高句驪為蓋牟城

唐初仍為蓋牟城李散攻破牟城即此太
宗取其地改為蓋州屬安東都護尋收其
民以歸地入渤海國渤海國仍置蓋州後改

為辰州又於漢安市縣地置鐵州領位城河
端蒼山龍珍四縣今縣城東九十里有鐵場
堡即其地也

遼以路通辰韓陞辰州為奉國將軍設建
安縣隸東京建安本置自高麗唐太宗已
得蓋牟城李世勣議西擊建安不如先攻
安市即此其地在今縣城西南金以建安縣
為辰州治章宗治辰州改為蓋州奉國軍
領湯池建安岫巖熊岳四縣仍隸東京湯

池本遼置隸鐵州建武軍金隸蓋州元廢
遺址在今縣城東北六十里 國朝乾隆時
猶名其地為湯池堡有土堡周一里二十步岫
巖本秀巖今訛為岫巖據金昌明四年陞
大寧鎮為岫巖縣屬蓋州泰和四年廢貞祐
四年復為縣元復廢今縣城東一百六十八
里有舊岫巖城周二里零四步其東十里又
有新岫巖城周一百步 國朝於舊城設防
守尉駐理事通判於此 梁建為州

熊岳本渤海杉盧郡地遼置盧州元德軍
領熊岳縣金廢州以縣屬蓋州今縣城西南
六十里有熊岳城周三里九十九步 國朝
嘗駐副都統於此

元初為蓋州路至元六年併為東京支郡併湯
池熊岳二縣入建安縣治尋又省建安縣入蓋
州併入遼陽路

明洪武九年改設蓋州衛屬遼東都指揮司馬
國朝改為縣分全境為兩大區曰蓋州曰熊岳

復分兩大區為十二社曰在城曰熊岳曰安平曰方集
曰永寧曰復興曰里仁曰樂業曰安居曰新民曰遠來
曰岫巖光緒甲辰因境內遼闊析為九十四區別
之以名統之以長今於丁未正月縣尊馬公俊顯
復改區長為鄉正擇士紳公正幹練者充之
區名
地理編

政績

本境向無志書所有業績又經甲午庚子
甲辰三大戰焚劫一空從前各官履歷實
績均無可考惟自道咸以來父老傳聞猶

可畧述一二者詳錄如左

強公上林字杏齋江蘇人也由翰林教館知本縣事
時道光十四年本城街市商人因憑帖虧累夤夜席
捲潛逃居民大噪興官府為難上憲惡激成
民變也急促公未理斯案及至人情鼎沸聲勢洶
洶憑帖數百萬堆累如山公憂之亟出示諭勸而
補苴弊漏終無善策焦思一夕晨起鬚髮皆白
白嗣經設法籌款將該號等所有之錢債田產
貨殖秉公作價告口與商民開說每吊照二

成間付風潮姑息公官本境四餘載惠政不一
而足即一夜髮白之一事迄今論者舉以為佳
話亦足見公之苦心憂民為從來循吏之冠云

劉公汝新東宜縣人由進士起家咸豐十一年
官本境務以慈惠撫民勸農敦俗有古循吏
風適有土匪李本李信者由海上竄入嘯聚
數百人揭竿一起鋒銳難當邑北村墟焚掠殆
盡公震怒偕城尉宗室廉公諱玉率百數兵痛
哭陳辭誓滅賊朝食會大石橋一戰將首

犯二人等獲正法餘賊相引遁去其再造
蓋平之功誠不可緩者

俞公恒瀛同治五年知縣時關東馬賊迭起隣
近城池悉遭蹂躪公偕城尉宗宣載公詳
擢戮力同心嚴加守禦并創辦鄉團為保
護閭閻計每日自朝至暮部署周詳寢食
俱廢及三月初旬賊竄入境以有備之故
望風氣沮閭邑居民不至再罹鋒鏑之慘
者二公運籌之力居多焉

文公諱景滿洲人也同治十二年知縣事時有
黠賊劉寶太者冒充欽差到蓋伊始氣燄
甚張閭邑官民莫有能窺其破綻者該匪
借端詐索大肆威權公覺其有異多方盤詰
該匪始猶支吾公使人伺得真情一訊而服
其罪事聞上憲驚喜歎為罕識其明察有
如此者

徐公慶璋字璵齋紹興人光緒七年官本境公
為政愛民如子疾惡若仇蒞任數年鋤豪強

判疑獄興利去害循聲卓卓而掣獲教匪
一事尤為噲炙人口先是教匪王連甲奉
其師吳某崇拜佛教後乃附會儒說並緣
飭道家之言著書傳徒獨闢法門謂其教
曰混元教師死伊則自署曰混元大弟子號
召徒黨煽惑多方時正值迷信時代從其教
者日以滋多老幼婦女趨之若鶩大有洪
季全團拜上帝之遺意八年春在城南五
里小米寨地方度其徒金福強成真先

期遍發傳單指日大開會場公謀知之惡其
左道惑人也乃陰為之備至期該匪高架寶
棚威排筵晏使金福強端坐屋上謂曰帝
仙酒三杯登時羽化其時遠近聞傳觀者
如堵教徒羣集約四千餘人遼瀋等城至
有不遠數百里而來與會者其狂悖情形
則同叛逆日未午公猝至首事諸人悉被掩
執其餘紛紛若鳥獸散訊其羽化之事則知
從前已毒死二人且屢有聚眾斂財之事公知

其惡貫滿盈乃詳請上憲就地正法從此
嚴申禁令本地愚民無敢明目張胆自稱
為混元教徒者除千古之迷信破一方之惡
賊其剛果之德望可於此窺見一斑矣

金公作勲光緒十六年官本境公年未三十以
治盜名於世時則有王連漢于連甲姚定芳等
皆著名劇寇惡霸一方附近居民不堪其擾公
知之乃躬率兵役屢破賊窟未及三月盜風頓
熄其東城北灰庄屯有白蓮教徒自三座

塔而未假救符藥水之術以蠱惑鄉名該村
王姓者受其愚弄甘為我首附從者又若干
姓夜聚曉散陰圖不軌其怪誕僭妄之跡不
值一噓公知其不可以情理論也後與本城
巡防營協商直搗巢穴殲其醜類其餘不
誅累一人語云鋤暴所以安良公實有之

祥公德字星如滿洲人光緒三十年官本境
公為人性机警有膽畧日俄戰起之時有
俄國通事某借勢殃民為公會所喊控公

捕得之俄官數十輩代為閑說悉揮之去
嗣俄大官某將用野蠻手段強逼開釋
比再來時已斬之矣俄官亦無可如何
遠近稱快未几有日本間諜二人潛入城
中為邏卒所執公呼之至署推誠相待
密語多時且贈與路費若干兩而縱
之去公慮俄人知乃預使班役夤夜捕
越城牆者二人繫之囹圄內翌晨俄
官果聞之來索日偵公出所獲踰城